
Belanjawan DBKL babit dana RM2.8b

Kuala Lumpur: Dewan Bandaraya Kuala Lumpur (DBKL) memperuntukkan RM2.8 bilion untuk Belanjawan 2025 merangkumi RM2.2 bilion atau 77.5 peratus untuk mengurus dan RM57 juta atau 20.3 peratus untuk pembangunan ibu kota.

Datuk Bandar Kuala Lumpur, Datuk Seri Dr Maimunah Mohd Sharif, berkata belanjawan bertemakan 'Kuala Lumpur Lestari, Warga Kota Sejahtera' itu meningkat sebanyak 6.59 peratus berbanding Belanjawan 2024 yang memperuntuk RM2.7 bilion.

Beliau berkata, belanjawan itu diperuntukkan mengikut bidang keutamaan berdasarkan 15 Program Flagship DBKL (2024-2026) antaranya program Mitigasi Banjir dengan peruntukan RM89.1 juta, program Pengurusan Kesesakan Lalu Lintas dan Keselamatan (RM178.7 juta), program Rendah Karbon (RM57.6 juta) dan program Lestari Niaga (RM26.9 juta).

“Setiap perancangan digariskan dalam belanjawan kali ini berasaskan keperluan sebenar,” katanya pada sidang media 100 Hari Datuk Bandar Kuala Lumpur dan pembentangan belanjawan di sini, semalam.

BERNAMA